

37

中國名山勝蹟志叢刊
沈雲龍教授主編

二十卷
南通州五山全

K928.3/36

線文
社版出

中國名山勝蹟志叢刊第四輯
沈雲龍主編

南通州五山全志

劉名芳撰

二十卷

文海出版社
有限公司
印行

校對無訛

五山全志

本衙職板

南通州五山全志序

夫志猶史也至封建改
而為郡邑則郡邑各志
其志降而名山大川亦
各有其志志于此亦濫
觴矣然志山水與志郡

邑叙事雖異而體裁則
同先民有言良史難良
志尤難非惟其才之難
也苟其人非端嚴正直
則市恩謝德史為穢史
志亦穢志矣烏足以信

近而傳遠哉予自昔間通
州狼山當江海之交攘外
安內為東南第一重鎮
也己巳夏自金陵捧檄
來鎮茲土為觀形勢而
陟其巔見五峰列峙于江

之委海之衝西控齊魯秦
晉東凌吳越甌閩浩瀚
弱水扶桑似一輦之可航
乾坤大觀畢萃于此矣
而風濤潮汐沒渚衝崖
通之城郭恃以無恐者

聖

蓋賴此五峯為屏障云今
天子大化翔洽無遠弗屆
海上鯨鯢亦為之順序予
安流予得繫馬峰頭與
斯民額慶昇平每歲
制軍提臺循例巡海閱

兵通相一至至則必登其
峯以觀形勢第險阻莫
紀何以昭後來者知武
備兵防之所由飭且其
間滄桑變遷先賢從哲
之事蹟亦無從考鏡雖

附見于州乘亦畧而不
詳太息至再左右僚屬
因進曰有專志在為
南廬劉君所新輯其稿
已竣將刻之板因細詢
而得劉君梗槩焉夫劉

君產于閩中其流寓于
軍山也以道自遙嘯傲
烟霞一若不知有人世間
者甚至斷烟絕爨而吟
咏之聲終弗輟其漢之
焦光者与常以餐冰嚙

雪之懷發而為山崩崖裂石
之句通之人士咸以師事
之四方之卿尹大夫以及
知名之士莫不聞風願見
有以金為壽者悉却之弗
受刺史董君聞而賢之時

給薪米為之籌畫俾得養
其高而劉君隨遇而安義
之所在即千金亦可一刻揮
盡不為來日計也其纂斯
志也蓋深見夫天道之有
往復地運之有盛衰人事

之有得失而興廢因之誠不
忍以今古之嘉言懿行聽
其湮沒無聞也故冥搜博
採訪遺老以實見聞購舊
書以資考索一泉一石縱
當絕壁飛巖人跡所不到

之處必再四探尋究其源
窮其委凡有關於山者點
墨隻字必錄無遺苟非其
人雖與數十百金求附一
詩易一傳都不可得秉鐵
面御史之風撻董狐良史

之筆五夜一燈歷四載如
一日以一人之苦心成此信
史其增色于五山也非淺
鮮矣客曰其有功于五山
也亦非淺鮮矣如唐駱賓
王宗金應皆客死于通一

杯之土幾至泯滅劉君一
新之用闢幽光兼以激發人
心軍山舊路鳥道羊腸耳
闢而廣之行者慕之勒其
石曰劉郎路狼山之去黃
泥山相望咫尺中斷為港